



ლიტერატურული მესხეთი

№5 (295)
მაისი
2023 წელი
ფასი 40 თეთრი

გამოცემის ოცდაათეუთი წელი

“LITERATURULI MESKHETI”

ან ვინა, თუ ვინის რომ გავისვენებთ!

საჭიროა თუ არა ქართული ენის ცოდნა? – ასეთი კითხვა რომ დავსვა, გაგიკვირდებოდა, ეს რა იკითხა ამ კაცმაო... მართალიც იქნებოდა!

2015 წელს მიღებული იქნა „კანონი სახელმწიფო ენის შესახებ“. დიდი ბრძოლა დასჭირდა ამას, 30 წელზე მეტი. „ყოველსმცოდნენი“, დასავლური კულტურის მოტრფიალენი, გვიმტკიცებდნენ, არ არისო საჭირო ენის კანონი და მაგალითად ინგლისი მოჰყავდათ...

ასეთი ფაქტი ვიცი: ინგლისის პრემიერ-მინისტრმა, გორდონმა, სამხმირის წერილი გაუგზავნა დალუპული ჯარისკაცის ოჯახს. წერილი უწინადასტურებს ჩაუვარდათ ხელში; ენობრივი შეცდომები იყო დაშვებული და ერთი ამბავი ატყუეს... პრემიერ-მინისტრმა საჯაროდ მოიხადა ბოდიში; განმარტა, ძლიერი ემოციების გამო შეცდომები ვედარ შევამჩნიეთ...

ცხადია, ასეთ ქვეყანაში კანონი არ არის საჭირო, ისეთ დონეზე პასუხისმგებლობა სახელმწიფო ენის მიმართ... ჩვენთან? – ჩვენთან ასე ხდება: ცნობილი პარლამენტარმა ერთ სატელევიზიო კომენტარში სამჯერ თქვა „გახარის გადაგომა“... ცოტა ხანში იგი დაინიშნურეს...

ჰოდა მივიღეთ კანონი სახელმწიფო ენის შესახებ... შედეგი? – არც არაფერი... ფაქტებს შეგახსენებთ: ბოლო ათწლეულებში ტარდება კვლევები: როგორ ფლობენ ჩვენი ახალგაზრდები ქართულ ენას, იციან თუ არა წერა-კითხვა და ა.შ. მწერალმა კოტე ჯანდიერმა ისაუბრა ტელევიზიით: ათიოდე წლის წინათ 150 ქვეყანაში ჩატარებული კვლევის შედეგებს გავეცანი, გამოიკვეთა, რომ ჩვენი ახალგაზრდობის მშობლიური ენის ცოდნის დონე ძალიან დაბალი იყო. ანუ, 150 ქვეყნიდან ბოლო ათეულში ვიყავით; ჩვენ გვერდით ისეთი ქვეყნები იყვნენ, რომელთა სახელმწიფო ენა არ გამოიგია. ათი წლის შემდეგ, საერთაშორისო კვლევის შედეგებით კვლავ დავინტერესდი და აღმოჩნდა, რომ უკეთესი შედეგი არც ახლა გვაქვს, ისევ ბოლო ათეულში დავრჩით, ერთი ნაბიჯი წინ ვერ გადავდგით.

ახლა კონკრეტულად ჩვენი (მიდა) კვლევის შედეგებს გავაცნობთ: რუსთაველის საზოგადოების განათლების კომიტეტმა პრესტიჟულ უმაღლეს სასწავლებლებში ჰუმანიტარულ ფაკულტეტებზე პირველკურსელებთან გამოკითხვა მოაწ-

ყო. აღნიშნული კვლევა ოქტომბერში ჩატარდა, ანუ იმ დროს, როცა ეროვნული გამოცდები სტუდენტებს ორი თვის ჩაბარებული ჰქონდათ. გვაინტერესებდა მათი ცოდნის დონე ქართულ



ენასა და ლიტერატურაში. დავალბა მივეცი, გამოეცნოთ წინადადებაში ხაზგასმული სიტყვა რომელ ბრუნვასა თუ რიცხვში იყო. კატასტროფული შედეგები მივიღეთ. სტუდენტებმა, რომლებმაც ორი თვის წინათ ეროვნულ გამოცდებზე მაღალი ქულები მიიღეს და პრესტიჟულ

ფაკულტეტებზე მოხვდნენ, ვერ ამოიცნეს, რომელ ბრუნვაში იყო სიტყვა. ეს კატასტროფა! სკოლაც პასუხისმგებელია და გამომცდელიც...

რაც შეეხება ლიტერატურას. აქაც საგანგაშო შედეგებია. საკმაოდ მარტივი შეკითხვები დავსვეით. ჩემს დროს ახალგაზრდობისთვის ასეთი კითხვები რომ დავსვათ, შეურაცხყოფად მივიღებდით. მაგალითად, ილია ჭავჭავაძემ რომელ საუკუნეში დაწერა პოემა „არდილი“. გამოკითხულთაგან ნახევარზე მეტმა კითხვას სწორად ვერ უპასუხა – მეშვიდედანი მოყოლებული ყველა საუკუნე დასახელდა!.. ალარაფრს ვამბობ იმაზე, რომ სტუდენტებმა ნაწარმოებების შინაარსი არ იციან, თუნდაც „ვეფხისტყაოსანი“. მაგალითად, დავსვით კითხვა: რომელი ქვეყნიდან არიან როსტევეანი, ტარიელი, ავთანდილი... პასუხები გამოგნებელი იყო. ეს არ არის მხოლოდ სკოლის პრობლემა; ეს ეროვნული გამოცდების პრობლემაცაა და უმაღლესი სასწავლებლისაც! ვერ ვიტყვი, რომ ეროვნულ გამოცდებზე შეფასება არაობიექტურად ხდება, მაგრამ პრობლემა საგამოცდო კრიტერიუმებშია.

ეროვნულ გამოცდებზე ისეთი მოთხოვნებია, რომ ბავშვმა შეიძლება საერთოდ არ ნაიკითხოს შოთა, ილია, აკაკი, ვაჟა და უმაღლესი შეფასება მაინც მიიღოს. არადა, ეროვნული გამოცდების პროგრამების მიხედვით, ამ ყველაფრის ცოდნა აბიტურიენტს მოეთხოვება... რეალურად ასე არ ხდება... როცა 2004 წელს ხელისუფლებამ განათლების სისტემაში რეფორმების გატარება დაიწყო, ითქვა: საგანგებოდ, მიზანმიმართულად ხდება განათლებისა და მეცნიერების დონის დაცემა-დაქვეითება, რომ გათანაბრებოდა ეკონომიკის დაბალ დონეს და ჩვენივე მოქნიტებით განვითარებდით ქვეყნის სტატუსს... ეს კი საჭირო იყო იმისათვის, რომ დასავლეთიდან შემოსულიყო დახმარებები, გრანტები... ხოლო ეს კორუფციის წყაროდ იქცეოდა და... და ამენდებოდა „დიდი კაცი“ (აშენდენ კიდევც!), განათლების მინისტ-

რის – ლომიას – ერთ-ერთმა იდეოლოგმა ისიც კი თქვა, სახელმწიფო ენა ჩვენი ინგლისური უნდა იყოსო...

და ამგვარ ინტერესებს შეენირა დედაენა... სხვა რა ვქნათო, იმართლებს თავს ჩინოვნიკი: – მივიღეთ კანონი (2015 წ.); შეიქმნა სახელმწიფო ენის დეპარტამენტი (2017 წ.); მთავრობამ დამტკიცა სახელმწიფო ენის განვითარების სტრატეგია (2022 წ.)... და...

და არ გადადგმულა არცერთი ნაბიჯი ქართული ენის ცოდნის დონის გასაუმჯობესებლად სკოლასა თუ უმაღლეს სასწავლებელში... არადა კანონის ერთ-ერთი მთავარი მოთხოვნა ესაა (სწავლების პრობლემების მოგვარება!)... ამისთვის კანონის შესაბამისად შეიქმნა დეპარ-



ტამენტიც (ძირითადად); ამაზეა ჩივილი სტრატეგიაშიც...

ქალაქზე ყველაფერი კარგადაა... რეალურად? – ყველაფერი ისევ ისე ცუდადაა!.. იქნებ მისწვდეს ეს ხმა იმას, ვისაც ევალება კანონის შესრულებაზე ფიქრი და ზრუნვა... თორემ ხვალ უარესი მდგომარეობა გვექნება...

სახელმწიფო ენა შევლას ითხოვს სახელმწიფოსაგან!

არ კმარა, 14 აპრილს რომ გავისვენებთ ქართულ ენას და „ვზეიმობთ“... ნამდვილად არ კმარა!

გიორგი გომოლაშვილი,
პროფესორი,
იაკობ გოგებაშვილის საზოგადოების თავმჯდომარე

თხუბრ ქანსაკია

როცა რომ ხმა უნდა ამოგველო, გვექუბა, – ჩვენ ბევრჯერ გავირინდეთ! და მტერმა მიზანში ამოგვილო, ქვეყანა დაიქცა, გავერანდა.

ყველგან რუსმა ბოძი სადაც ჩაფლო, ხვალ-ზეგ არ იდგება აღარცერთი, საქართველო არის სამაჩაბლო! საქართველო არის აფხაზეთი!

თოფები და ხმლები მოვისროლეთ, დაგვენგრა სახლები და ვერანდა, როცა კორძიანი მონის სული, სიმამაცით უნდა გაგვერანდა...

ლორე დავკარგეთ და ზაქათალა, ჩვენი ართვინი და არტაანი...

ეჰ, ის ოქროს ხანის საქართველო, ფუჭი ოცნება და ნატვრა არის.

გაცვლა იყო ეს თუ... გაჩუქება?! უკვე წელიწადი ასიც ხდება... გვჭამენ რუსები და სელჩუკები, სისხლში უსაშველოდ ასიცხდება.

ვისთვის რომელია შაითანი... რუსეთს ვჭირდებით თუ ამერიკას. „ჩვენვე გვეყუდნესო ჩვენი თავი“, ვწუხვარ, არ გამოდის აგრერიგად.

იქნებ ყველაფერი მოგველანდა, მინდა მჯეროდეს, რომ გადავრჩებით, ერში ასე როგორ მოგვიმრავლდნენ მამათმავლები და ალქაჯები.

სად იყო ამდენი შარლატანი? ამდენი მანქურთი და რენეგატი? ღირსება რომელ წყალს გავატანეთ... გვესმის ყველა მხრიდან ნეგატივი.



დრომ უცხო ტალახში ამოგვევარა, სიკვდილმა უგულოდ გამოგვითბა, ყველანი დავეძებთ გამოსავალს და მხოლოდ წყობიდან გამოვდივართ.



და კურსდამთავრებულს გუნდის დირიჟორის უმაღლესი კვალიფიკაცია მიენიჭა.

1955 წელს ახალგაზრდა სპეციალისტი კულტურის სამინისტრომ ახალციხეში გაგზავნა. აქ მას მალევე სამუსიკო სკოლის ხელმძღვანელობა დაევა...

შოთა ალთუნაშვილი საქართველოს სამუსიკო საზოგადოების ახალციხის გამგეობას თავმჯდომარეობდა. მცირე ხანს ახალციხის კულტურის სამსახურსაც ხელმძღვანელობდა...

შოთა ალთუნაშვილი — 90

რეპერტუარსა თუ შესრულების ფორმებზე. აღარავინ ამბობდა უამინდობისას ლაზარეს, აღარავინ აბამდა ფერხულს ამა თუ იმ კალენდარულ დღესასწაულზე...

მესხური სიმღერა არ დაავიწყებინონ. რაც შეეხება ანსამბლ „მესხეთს“, მას დღესდღეობით შოთა ალთუნაშვილის აღზრდილი ლოტბარი ზაზა თამარაშვილი ხელმძღვანელობს.

კიდევ ერთი გამორჩეული საქმეა — შოთა ალთუნაშვილის ღვაწლი ქართული ტრადიციული გალობის აღდგენა-დამკვიდრებაში. ეს მამინ იყო, როცა საქარ-

უანგაროდ ემსახურა საყვარელი საქმეს

არიან ადამიანები, რომლებიც მთელ თავის შეგნებულ ცხოვრებას საყვარელ საქმეს მოუძღვნიან და მას დიდი თავდადებათი ემსახურებიან.

შოთა ალთუნაშვილი ათწლეულები უანგაროდ ემსახურა საყვარელ საქმეს. უანგაროდ-მეთქი, — ვამბობ, რადგან არსად და არასდროს საკუთარი ღვაწლის წარმოჩენაზე არ უფიქრია...

შოთა რევაზის ძე ალთუნაშვილი 1933 წლის 23 იანვარს თბილისში დაიბადა. მათი ოჯახისა და გვარის წარმომავლობა ზემო ქართლიდანაა.

მრავალფეროვან რეგიონში, სამასი გოგონასაგან ინტერნაციონალური გუნდი ჩამოაყალიბდა რეპერტუარიც შესაბამისი შეუდგინა.

ათწლეულების მანძილზე ხიბლავდა მსმენელს შოთა ალთუნაშვილის გამორჩეულად ლამაზი ტემპრისი, ძლიერი ტენორი, თუმცა, როგორც პროფესიონალი ლოტბარი, ხალხურ სიმღერაში ნებისმიერ ხმას ოსტატურად ფლობდა...

ლერების ცალკეული ხმები, მაგრამ „ხმის მიმცემი“ და სიმღერაში მხარის ამბეული აღარ ჰყავდათ... ასე ჩაინერა, სამ ხმად აღადგინა და თავის ანსამბლ „მესხეთში“ გააცოცხლა შოთა ალთუნაშვილი სიმღერები, რომელთაც დღესაც ხშირად გაიგონებთ სამცხე-ჯავახეთსა თუ სრულიად საქართველოში...

თველოში თითო-ორიოჯა ტაძარი თუ იყო მოქმედი, თორემ გალობაზე ვინღა ფიქრობდა... ერთ-ერთ ინტერვიუში ლოტბარი ბრძანებს: „ახალგაზრდობაში თბილისის სიონის ტაძარში ვგალობდი. ეს იყო 1953-55-იანი წლები.“

შოთა ალთუნაშვილი სიცოცხლის ბოლომდე ერთგულად ემსახურა თავის ქვეყანას და 2005 წლის 11 დეკემბერს მძიმე ავადმყოფობის შედეგად გარდაიცვალა.



ახალციხის ანსამბლი „მესხეთი“. 1970-იანი წლები

მოძიებას, აღდგენასა და გაცოცხლებას უკავშირდებოდა.

ცნობილი ისტორიული მოვლენების გამო, სამას წელზე მეტხანს მესხეთში ყველაფერ ქართულსა და ქრისტიანულს გადაშენების საფრთხე დაემუქრა: თანდათან იკარგებოდა ვაზის ჯიშები, ვაზისა და ღვინის კულტურა, ტრადიციები, რიტუალები, საფრთხე შეექმნა მშობლიურ ენასაც...

არანგის ფესტივალსა თუ კონკურსზე.

შოთა ალთუნაშვილმა ახალციხის სამუსიკო სკოლაში მოღვაწეობის მანძილზე მრავალი თაობა აღზარდა და მრავალ ახალგაზრდას გაუკვალა გზა ცხოვრების ასპარეზზე. მათ შორის — საკუთარ შეილებსაც: სამივე ვაჟი მამის კვალს გაჰყვა და ცხოვრების საქმედ მუსიკა აირჩია...

არასდროს უძებნია-მეთქი პატივი და დიდება, — მეტიც: საკუთარი შემოქმედებითი ცხოვრების დოკუმენტური მატარებელი კი თითქმის არ დაუტოვებია... ერთ-ერთი უკანასკნელი ინტერვიუ მისგან მე ჩავიწერე და მისმა სიტყვაძვირობამ გამაოცა — საკუთარ თავზე ძალიან მწირად საუბრობდა...

ნანა კალიშვილი, ეთნომუსიკოლოგი

ავთანდილ ბერიძე
ღმერთო!
მათ ვინ მოკითხოს წინაპართა ჩვევა, ადათი, ახლა მე ისევ სახელთი ხელში ვეძებ სამართალს, ეს ხეტიალი გაგრძელებია ნეტავ სადამდის, ცხოვრება ჩემი მიწაზე, ალბათ, გათავდა.

სიმღერა
იქნება გული ამტკივდა, ვერ შევეგუე ამ ფერებს, იქნება გული გაცივდა, რომ კარგო, არ მომეფერე.
მე შენზე ფიქრით ვკვდებოდი, ხეებს ფოთლები ცვიოდა, არ მოხველ, არ გაგახსენდი, შენით რომ გული მტკიოდა.
რალა ნუთისოფელი, — ერთი გავლა და ფიქრია, ამ დღეებს მალა უფალთან ანგელოზები გვითვლიან.
ღმერთსა ვთხოვ, შენთვის მეცქირა, — ჩემთვის ყველა დღე ბინდია, არვისგან არას მოველი, ვინც მოდის, ყველა მიდიან.
შენ კი რა იყავ ასეთი, გულში რად მიჩენ იარებს, იქნება სხვა შეიყვარე, მოსვლა რომ დავაგვიანე.

რუსთაველიდან ჩვენამდე რა დიდი გზაა, რა შარა, დრომ, უღმობელმა, ვერასგზით ეს გზა მაინც ვერ წაშალა.

ეს მერამდენე ვავტებე ლამე და არაფერის პატრონი არ ვარ, იქნება მითხრა ძვირფასო რამე, მთვარეულივით ნეტავ რად დავალ...
იქნებ განგებამ ინება ასე, — სათქმელსაც ხშირად რომ ვეღარ ვამბობ, რომ ჩემი გული ცრემლებით სავსე ვეღარ გიგზავნის შორიდან ამბოროს.
იმედი რატომ ვადამენურა, ახლო ნაპირიც რომ არსად არ ჩანს, ნეტავ საწუთრო რატომ მემწუნხრა, ხვალის იმედიც რომ აღარ დამრჩა.
დაოსებული ვგავარ ნამეხარს, ვარდებიც დაჭკნა შენს მოლოდინში, ნეტავი მაინც ერთხელ მანახა, ცრემლი დამძვრალი დამჭკნარ გუგებში.

იქნებ სიკვდილსაც დაეღო ფასი, აუხდენელი ნატვრაც დაბერდა, რომ ველარ გავხდი ვერაფრის ღირსი მე ამ უსახურ დროსთან — აგებდთან.

ღმერთო, იმდენი შემძლებინე, კაცურად განვლო გზა დარჩენილი, რომ არავისგან, არაფრის გამო, ჩემ სამშობლოდან ვიქცე დევნილი.
ნატვრად არ მექცეს ეს ცა ფირუზი, მხარე — რუსთაველის ლექსით ნაფერი, რომ გოჯი მინა გზა-გზა ვატარო, სხვაგან არ ვეძებნი თავშესაფარო.

ვისაც რა გინდა ის უთხარ, არ შეისმენენ არაფერს, ჭკვიანი ხმასაც ვერ იღებს, გიჟებს კი ალაპარაკებს.
სამშობლო დავვიჩივდა მხრებგამლილი რომ გვეგონა, მოყვარე მტერი გაგვიხდა, მტერი კი „დაგვიმეგობრდა!“




მატიანე

სსრკ სახალხო არტისტი აკაკი მასაძე აღივანის რაიონის პასუხისმგებელ მუშაკებთან. 1974 წელი. სურათი მოგვანოდა ნოდარ გობრიძიანმა

უმაღლესი სკოლა

გამოდის კირველად

თანამედროვე სამართალწარმოებაში დამკვიდრებულია შეჯიბრებითობის პრინციპი. ბრალმდებელი და დამცველი ერთმანეთს ებეჭებიან და ცდილობენ თავიანთი სიმართლე ამ გზით გაიტანონ. ამ ვითარებაში დიდი მნიშვნელობა ენიჭება არა მარტო საჭირო სამართლებრივი ფაქტებისა და მასალების ფლობას, არამედ საკუთარი პოზიციის მარჯვედ წარმოსაჩენად სიტყვიერი მარაგის სიუხვეს, ორატორულ ნრთობას. არადა დღემდე არ არსებობდა არავითარი საამრიგო სახელმძღვანელო, წიგნი, რომლის მიხედვითაც იურისტი თავის სამჭევრ-მეტყველო უნარს გაიძლიერებდა, მოსამართლის წინაშე დამარწმუნებლად იმსჯელებდა.



მოდგინებით შეიქმნა და ენობრივ-სტილისტურად საგანგებოდ დაიხვეწა.

ამ ტიპის ქრესტომათიული ნაშრომი პირველად გამოდის. მისი საერთო რედაქტორია აკადემიკოსი დავით გურგენიძე, საქართველოს ტექნიკური უნივერსიტეტის რექტორი. წიგნზე მუშაობდნენ პროფესორები: ირაკლი გაბისონია, ვაჟა პაპასკირი, ჯემალ გაბელია, მურმან თავდიშვილი, დავით ზუფენია.

იურიდიული და საერთაშორისო ურთიერთობის მიმართულების სტუდენტებს მართლაც რომ დიდებული საჩუქარი ედირსათ. ახლა მათ შეუძლიათ უკეთ გაშალონ თავიანთი სასწავლო და პრაქტიკული საქმიანობა.

გურამ ნიკლაური
მურმან თავდიშვილი

სამძივარი

გაზეთ „ლიტერატურული მესხეთის“ რედაქცია უსამძივრებს საქართველოს დამსახურებულ ჟურნალისტს, ბორჯომის საპატო მოქალაქეს, გაზეთ „ბორჯომის“ რედაქტორს ვალერიან ლომიძეს მეუღლის **ლია ბიბილაშვილი-ლომიძის** გარდაცვალების გამო

მადლობა

როგორც ყოველთვის, ამჯერადაც დიდი გულისხმიერება გამოიჩინა ბიზნესმენმა გელა ლონდარიძემ და ფინანსური დახმარება გაუწია გაზეთ „ლიტერატურული მესხეთს,“ რისთვისაც რედაქცია დიდ მადლობას უხდის.

ფოკლორი

გლეხკაცმა უთხრა გუთანსა,
გამოზაფხულდა ტილო,
გასწი, გამიძებ ყანაში,
თორემ გადგისვრი ფრიალოს.

– რად მიჯავრდები პატრონო,
ნეტავი რისთვის წრიალობ,
როდის არ მიხნავ-მითესავს,
ახლა ბანზე რომ ღრიალობ.

ხარმა თქვა: გუთნისდედამა
მაშრომა, განა მამღერა,
ქედზე უღელი დამადგა,
უფალმა ჯვარი დამწერა.

ყანა გაგტეხო, ყამირი,
ჩემი ცხოვრების წესია,
ოფლი წურწურით მდიოდა,
ერთიც არ დამიკვნესია.

გლეხო, მარჯვენას გიკურთხებ,
დაკოჭრილო, გონიერო,
პური, ღვინო დაგელოცოს,
გარუჯულო, მშვენიერო.

მესხნი საომრად ვიყავით,
ვაჟკაცი ლომისიანი,
უცებ მოგვესმა ხმაური
მაღალი ცხის კლდისანი.
ფარ-ხმალი გვექონდა, ვიხმარეთ,
რად უნდა ბევრი მისანი,
სალამომდინა დაწვევიტეთ,
ლაშქარ-ურიცხვნი მტრისანი,
წმინდა გიორგი გვიძლოდა,
გვფარავდა მაღლი ღვთისანი.

ზეკარის მთიდან მოვდივარ,
ბილიკად მქონდა გზა-წერილი,
ერდოზე ქალი გადმოდგა,
შავ-თვალ-წარბა და წელწერილი.
გულს ნუ მამიკლამ, ჭირიმე,
ცოდო ვარ კაცი ყმანვილი.

ერდოზე გადმომდგარიყო
მესხი, ლამაზი ქალიო,
უელვარებდა თვალეზი,
თმებს უწენავდა ქარიო.

თვალთ მანიშნა: შემოდი,
სახლში არაა ქმარიო,
ახალციხეში გაიქცა,
მონახა სომხის ქალიო.

ქმარს აღარ ვჩივი, ბეჩაესა,
თავს მოხვედრია ქვანიო,
მოლაღატისგან მიხსენი,
შენ დამიმშვენი მხარიო.

ქალოჯან, ვითრამ კარგ რამეს,
მოგიკლეს შენი ქმარიო,
სამალარიჩოდ მამეცი
ცხვარი, ძროხა და ხარიო.

მერმე კი დაწვეთ ერთადა,
არ შევირცხვინო თავიო,
დილამდე ვისიყვარულოთ,
ჩვენზე ალალი არიო!

ჩემი ამბავი გაიგეთ,
ცოდო ვარ და შესაბრალო,
კაცს ვათხოვე, მეზობელსა,
გუთანი და ერთი ხარიო.
მთელი კვირა თვითონა ხნა,
მე კი დამრჩა ერთი კვალი.
თვალეზი ამომეცხება
ცრემლებით დანაღვარებსა!
განა შემიცვლის ბედმწარეს
მბობა ამბების მე სხვისა,
რალა ჩემი სიცოცხლე,
გადაკარგული მესხისა!

მტერს უნდა მედგრად უტიო,
საკადრისს შესაფერია,
ვისაც კი ომი აშინებს,
კაცად ის არაფერია!
ალარც ჩაიცვას აბჯარი,
არც მუზარადი, ხმალია,
ვაჟკაცად არ გამოდგება,
თუნდაც შეიბას რვალა.
შორით უმზიროს დედამა,
შვილს, მტერზე გამარჯვებული,
იქმოდეს კეთილ საქმესა
გონება დანყნარებული,
ვერ აშინებდეს სიკვდილი
სიცოცხლე გამწარებული.

მთქმელი იოსებ ბიძოშვილი,
89 წლის, ახალციხის
მუნიციპალიტეტის სოფელი ივლიტა.
ჩაინერა სოსო ბიძოშვილმა
2023 წელს

გაზეთის ელ.ვერსიების არქივი: ციფრული ბიბლიოთეკა „ივერიელი“ (საქართველოს ეროვნული ბიბლიოთეკა)

დამფუძნებლები: ფიზიკური პირი ავთანდილ ბერიძე
სსიპ სამცხე-ჯავახეთის სახელმწიფო უნივერსიტეტი

**გაზეთი რეგისტრირებულია ასპინძის რაიონის სასამართლოს მიერ 1998 წლის 15 ოქტომბერს.
სარეგისტრაციო N19/4-17**

კომპიუტერული
უზრუნველყოფა
ირმა ჯიშკარიანის

რედაქტორი ავთანდილ ბერიძე
სარედაქციო საბჭო:
დურმიშხან ბერიძე, მერაბ ბერიძე,
ვახტანგ ინაური, სოსო გიქოშვილი

გაზეთი დაიბეჭდა
შპს „საარის“ სტამბაში
მისამართი: ქ. თბილისი,
თველორე მღვდლის 57.
ტელ: 2.94-14-32

რედაქციის მისამართი:
0500, დაბა ასპინძა, თამარის ქ. N3,
ტელეფონი მთავარი რედაქტორის: 599 97 95 24
lit.meskhedi@gmail.com
lit.meskhedi@yahoo.com

გაზეთის რედაქცია სარგებლობს თავისუფალი პრესის პრინციპებით და ავტორის მოსაზრებებსა და გამოხატულებებს პასუხს არ აგებს